

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 2 B.

9ad jakkegærdde

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

30ad Januar 1907.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Moridus Kristianiast.

Maqemus numinarest »Nuorttanastes« loppedæimek mi muittalet æmbo dam imašlaš moridusa birra, mi juovlai aige algi Kristianiast, ja mi dal dobbe læ ain stuoreb famost. Nuftgo mi juo oudal læp muittalam, læ dat okta methodista pappa, gæn nauima læ Barrat, gutte dam moridusa buvti Amerikast Kristianiai. Dat læ okta daina buok imašlæmus moridusain, mi læ min ædnamest læmaš. Buok darogiel blaðek min ædnam meitta læk dam moridusa birra çal- lam, ja mästa buokak læk dam dub- mim çappadæmus jalla- ja joavddelas- vuottan.

Dat mi læ erinoamaš oðas dam moridusast læ dat nuftgoçëujuvvum »njuokçamiguim sardnom,« atte amas gielaiguim sardnuk nuftgo mat- tajægjek dakke vuostas helludakbæive. Barrat ješ çalla dam birra navt:

Dat moridus læ alle osko dov- dastægjid vuost dæivvam, daggariid, gæk oanekæb daihe gukkeb aige læk læmaš Ibmel manak, mutto gæk Basse- vuoiņa bagadægje armo vuolde læk alggam occat buttestuvvum vaimo ja Bassevuoiņa gasta. Dat læ darbašlaš, dastgo jos okta moridus galgga šad- dat riekta vuodduuvvum ja biste- vaš, de ertte »duobmo algget Ibmel viesost.« (Esek. 9, 1 Pet. 4, 17). Nuft ollo olmušlaš vierok læk sisa bæssam sikke statagirkoi ja æra girkoidi, ja nuft ollo læk olbmuk bostatuvvum ibmelbiettalægje vuoiņast, atte Hærra gavdna darbašlæžžan garra sanid sard-

not »Sion nidi« daina beiven.

Moft matta mailme bajasboktu- juvvut suddo nakkarest, jos Ibmel manak oððek? Ja jos mailme morra- na, moft matta dat gavdnat ilo, çuov- ga ja divšo, go dat goalkkota ovta gallanam ja fuolates særvegodde uv- sa ala? Vare Hærra væketifçi su al- muges.

Sardneduvvum læ min çoaggal- masain moridusa ja bestujume birra suddost. Ja Hærra lekus maidnujuv- vum, manga sielo læk gavdnam bes- tujume. Maidai sardneduvvu min çoaggalmasain, atte soavatus galgga ðakkujuvvut riddovieljai gaskast ja atte værre obmudak ja rutta galgga ruoktot maksujuvvut, jos læ vejolaš. Olmuš i mate ollaset rafhe Ibmelin oazžot, jos son dam i daga.

Ja maidai sardneduvvu min çoag- galmasain, atte Ibmela manak galg- gek hæittet dam fuolates oamerakis- vuoda ællema cellemest, ja atte si fert- tijek duššen šaddat sin jeçaidæsek çalmin ja buokten bigjat Hærra julgi ouddi ja dasto oskot olles vaimo but- tastusa Jesusa vara famost, nuft atte aivestassi Jesus matta ožžot su ælle- mes ællet sin siste. Dasto adda Hærra su vuoiņas bokte duodaštusa dam arbmoduje birra sin sieloi siste. Mat- tajægjek legje »buttasak« ja sist læi maidai muttom oassai Ibmel Vuoiņa fabmo juo oudal helludakbæive. (Gæ- ça Joh. 13, 10; 15, 3; 20, 22). Si leg- je olgusvallijjuvvum mailmest, ja jos læžai læm æpadus Jesusa ibmelvuoda birra, de dat fertti gaiddat, go si su albmai mannama oidne.

Maidai sardnedep mi, atte nuft- go mattajægjek ferttijegje vuorddet Jerusalemest »famo allagasast,« nuft ferttijek buok kristalažak, gæi vaimok læk buttestuvvum Jesusa varast occat

sin

Helludakbæive gastasek.

Daggo bokte devddujuvvu siello bag- jelmæralaš rakisvuoda dievasvuodain ja famoin, mi nanosmatta min roak- kadvuodain Hærra datto oudandoal- lat ja su duodaštægjen šaddat.

Dast manjel çalla Barrat gukkes bitta amas gielai daihe njuokçami- guim sardnom birra ja çajet profet Joel einostussi: »Ja dpatuvvat galg- ga dastmanjel, atte mon aigom golga- tet mu Vuoigņam buok oaže bagjeli, ja din barnek ja din nieidak galggek profetastallat; din vuorrasak galggek niegoid niegadet, din nuorra olbmak oainatusaid oaidnet. Maidai balvva- legji bagjeli ja balvvalægje nissoni bagjel aigom mon dain beivin golga- tet mu Vuoigņam. (Joel 3, 1—2. Dak aigek læk dal boattam, arvvala Bar- rat, atte dat einostus ollašuvva.

Dal læk juo 24 persovna, gæk sardnuk njuokçamiguim Kristianiast, muttomak daina lavlluk maidai njuok- çamiguim. Mæsta buokak daina læk sardnom profetalažat vuoiņast, ja mut- tomak læk rottasuovvam nubbe ilbmai ja oaidnam ja gullam dingaid, »mak olbmuidi æi læk lobalaža olgus sard- not.« Dabe Kristianiast devddujuvvu- jek dal imašlæžat Hærra loppadusak, ja nuft dat dpatuvva, go mi læp os- kaldasak Hærra vuostai. Vela çei læk æmbo go moadde vakko dam rajest go mi algimek çoaggalmasaid adnet, ja nuft ollo læ dpatuvvam dam oa- nekaš aigest, atte mi æp satte æra go jaska çuožžot ja gittet Hærra su çel- kemættom armo oudast min vuostai. Gidda dam vuostas çoaggalmasa ra jest læ stuora fabmo læmaš vaimoi alde — Bassevuoiņa fabmo.

Bassevuoiņa diktit mi stivrrit min çoaggalmasaid. Go mi okti boat-

tet, de læ mist lobalašvuotta vuoiņa doaimatusa mielde dakkat. Jos gæstge læža lavla, son dam lavllos, ja jos gæstge læža profetalaš sardne, son buktus dam ouddan, mi æp čana Vuoiņa, mutto addep friavuoda (1 Kor. 12, 3). Muttomin læ stuora jaskadvuotta čoaggalmasa bagjel, go i duosta oktage maidege cælkket; mutto Hærra jiedna sardno famolažat maidai jaskadvuodast. Muttomin fast læk læmaš stuora likkatusak Ibmel famo bokte, maid i oktage luondo jirmin matte čilggit, ja dak likkatusak læk dæivvam oskolažaid erinoamašet. Gutte i ješ læk dovddam dam famo, son dam i ibmerd. Ibmela sadne dolvvjuvvum Vuoiņa famost dæivva oskolaža vaimo ja časka su, daina go son læ ællam loikasvuodast, oammerakisvuodast, mailmalašvuodast, ožalašvuodast ja goarggadvuodast; — dak buok læk sævdnjadasa rika vuoiņalaš famok, maida olmuš læ maŋŋai addam, ja go olmuš dam buok oaidna Bassevuoiņa čuovgast, de oazžo son

Getsemane soađe,

ja daggar soatte davja i mana bagjel alma garra čuorrvastaga. Muttomak doppitallek nuft garraset, atte vællanek guolbbai oktan biškommin ja čuorrvomin Hærrai, muttomak fast vel ja maldekke, mutto dast i læk mikkege varalašvuodaid. Ja davja læ dæpættuvvam go daggarak læk morranam, de læk si sardnom »njuokčamiguim« (amas giela) daihe profetastallam Vuoiņast, devddujuvvum cælkemættom likkoin, rafhin ja vuoitoin. Buok olmušballo dasto eritbolddujuvvu, ja sigjidi addujuvvu imašlaš vuoitto buok vaddevuodai bagjel.

Dabe nuftgo Amerikast čuovvo famolaš avvo ja illo mielde, muttomak boagostek ja muttomak fast čirruk ilo diti. (Loga Sal. 126). Mutto dat læ dušše alggo. Dat

Vuoiņa fabmo

læ buok Ibmel olbmuidi, i dušše mærræduvvum særvvegoddidi, mutto buokaidi guđek ballek Hærrast ja aigguk ollasi ječæsek addet sudnji. Ja mi aiggop oudeb munest cælkket, atte dat vuoiņa fabmo viddana birra buok!

Hærra læ alggam ovta dago ædnamin, mi galgga sisabakket bagjel buok ja vuolas njeiddet buok vuostahago, ja dat galgga rakkanattet našsonai Kristus boattema vuostaivald-

det.

Vuostahakko læ juo. Olbmuk æi ibmerd dam imašlaš famo. Muttomak vel goččujek dam »bærgalaga duogjen;« mutto varotekusek si ječæidæsek, atte si æi šadda ašalažžan dam suddoi, mi i addujuvvu andagassi, ja muittosek si, moft manai Usani, go son aigoi Hærra arka doarjot.

Mist i læk gal naggatallat. Moadde olbmuk læk goččalam min čoaggalmasain min vuostaičuožžot ja naggo rakadet, mutto dast i læk mikkege avkid. Mi æp sida naggo.

Nuft čalla Barrat dam moridusa ja vuoiņalaš likkadæme birra, mi dal læ daggar famost Kristianiast ja maidai nuft sinavaset læ alggam vidanet daidi æra gavpugidi.

Olmuš čoaggana nuft mađohæmek Barrat čoaggalmasaidi, atte æi gavdnu Kristianiast nuft stuora vistek, atte buokak šiettašegje.

Mi æp aigo æpge sate dubniet damge vuoiņalaš likkatusa; addus Ibmel atte su namma hærvasmattujuvvuši ja sielok bestujuvvuše.

Mi ain aiggop gæččælet boatte aigest muittalet oanekažat dam Barrat moridusa birra.

„Nuorttanaste“

boatta dam have bæl'nub' nummarin. Mi maidai gæččælep nuft buoremusat go mi hæjos navcai mielde sattep arvostmattet doallid. Don olmai daihe nisson, boares daihe nuorra, gi-ikkennassi don læžak, gæn gitti dat blađde joavdaš, mana dal lagamuš poastarappe lusa ja dingo »Nuorttanaste.« Don, gæst vebašge læža hallo diettet boattet olggo-mailmest ja du ječad ædnamest sikke vuoiņalažat ja rumašlažat, doala »Nuorttanaste.« Olbmuk dietto i galga bissanet dasa, maid son dušše ječas uksalasa siskabælde oappa.

Bittak daihe brævak

»Nuorttanastai« ja »S. Muittalægjai« čei mana portofria poastast. Go dak bottek, de ferttep mi lodnot 20 ørain. Mi æp sate duojasi dam dakkat. Damditi ferttep mi dam rajest daggar brævaid diktet ruoktot mannat alma rabakætta, ja dalle fertte brævai čalle makset 30 øra, go dak su baikkai ollijek.

Go brævaid sistdoallo læ dušše blađi birra, de dalle gal manna porto-

fria, go čallujuvvu blađe namma ja merkijuvvu »avissag.« Allet čale daggar brævai ala redaktøra nama.

Damppa „Lindholmen“ læ buollam.

Gieskad buli okta stuora damppa oarjen. Dam namma læi »Lindholmen« ja gulai Arendal damppaselskappai, Dat læi væstas mannamen, ja go læi fidnam Farsundast, fuobmai kaptæina, gutte læi komandošalde alde dollanjuokčamid vuostas plasast, ja 5 minuta dast maŋŋel læi olles damppa oktan dollan. I læmi dal æra rađde go stivrit bænta gadde vuostai. Biegga læi garas ja hirbmos muottaborgga. Muttomak legje oadđemen ja illa fuobmajegje vaddo aige bale — ja arvvalusa mielde læk 5 olbmuk havkkam ja buollam. Dak ærak besse maŋemus hægst gaddai.

Stuora ædnamdoargastus

læ gieskad læmaš Jamaika sullost, man bokte stuora vahag læ šaddam. Dam sullo gadderavdak læk vugjum mæra vuollai. Manga damppa læk coakkas ala mannam, damditi go mærabodne læ aibas nubbastuvvam.

Duhat olbmuk galggek læt hæga massam. Dolla læ hirbmoset stajedam, daggo, goggo ouddal ædnamdoargastusa læi okta čabba gavpug, læ dal okta gafhades varnotesvuotta. Duhati mielde olbmuk læk vistitaga šaddam ja ferttijek dal balgai alde oadđet. Borramuš vaillevuotta læ maidai stuores.

Go oammedovdo morrana.

Njællja jæge dast ouddal massi okta jotte Ruotalaš 700 kruvna Larvika bøkavuovdest. Dak ruđak æi boattam dittosi; mutto okta olmai čokkai oanekaš aige fanggan, go gannegegje, atte son dat læi dai ruđai suoladam. Mutto dal gieskad bođi okta nisson 700 kruvnain politigammari Larvika gavpugest ja muittali, atte son daid ruđaid læi gavdnam ja adnam daid; mutto son læ dal ožžom oammedovdo bakčasa, ja su olles mannak læk su væketam daid ruoktot skappot. Poliatiak æi dieđe dal, gost si galggek gavdnat æigada.

Dingo „Nuorttanaste“!

»Nuorttanaste« čalle, prentægje ja olgusadde læ G. F. Lund Sigerfjord, Vesteraalen.